

L'ESTRANGE DELUGE

Noël provençal de Nicolas Saboly

1. L'es- tran- ge de- lu- ge! Tout nos-te re- fu- ge, Bon Diéu, es à

Fin.

vous! A- gés pie- ta de nous! Dins nòs- tei ri- viè- ro, N'a plus gis de foun, Leis

ai- go soun fiè- ro, La ter- ro s'es-cound. Nos- to pau- ro vi- lo N'a sa bo- no

part: Pa- rèis plus qu'u- noi- lo, cou- me la Si- ci- lo Au miè de la mar. L'es-

2.

3.

4.

Cènt milo pistolo
Pourrien pas paga
Moussu d'Anguissolo,
Lou Vice-Legat:
Vai de porto en porto,
Pèr nous secouri,
Es toujours pèr orto:
Lei gènt de sa sorto
Dèvon pas mourir!

L'estrangè deluge!
Tout noste refuge,
Bon Diéu, es à vous!
Agés pieta de nous!

Dins nòstei bastido
Mourèn tous de fam;
N'avèn plus de vido,
A fauto de pan;
A-n-un tau desordre,
Lou Vice-Legat
Li bouto bon ordre:
Avèn dequé mordre;
Li sian óubliga.

L'estrangè deluge!
Tout noste refuge,
Bon Diéu, es à vous!
Agés pieta de nous!

Moussu de Libelle,
Qu'es noste Pastour,
Nous mostro soun zèle,
Soun cor, soun amour;
Sei pàureis ouvaio
Lou veson fort bèn,
Alor que travaio,
E forsque li baio
Soun or, soun argènt.

L'estrangè deluge!
Tout noste refuge,
Bon Diéu, es à vous!
Agés pieta de nous!